



**OPĆINA KAKANJ**

*Općinski načelnik*

**MUNICIPALITY OF KAKANJ**

*Municipality Mayor*

Broj: 02/1- 3154 /18

Datum: 26.04. 2018. godine

Na osnovu člana 64. stav (1) tačka b), člana 70. stav 1., 3. i 6. Zakona o javnim nabavkama („Službeni glasnik BiH“, broj: 39/14), člana 3. i 8. stav 1. i 2. tačka c) Pravilnika o uspostavljanju i radu komisije za nabavke („Službeni glasnik BiH“, broj: 103/14), Rješenja o imenovanju Komisija za nabavke za 2018. godinu, broj: 02/1-384/18 od 18.01.2018. godine, na preporuku Komisije za javne nabavke konstatovane u Zapisniku o provedenom otvaranju konačne ponude u pregovaračkom postupku bez objave obavještenja o nabavci, broj: 08/1-14-1023-3/18 od 19.04.2018. godine, u pregovaračkom postupku nabavke za dostavu ponude – nabavku radova Osvjetljenje ski staze Ponijeri – nepredviđeni radovi, Općinski načelnik kao ugovorni organ, d o n o s i

**ODLUKU  
o izboru najpovoljnijeg ponuđača**

**Član 1.**

Prihvata se Preporuka Komisije za javne nabavke, broj: 08/1-14-1023-3/18 od 19.04.2018. godine i ugovor za nabavku radova Osvjetljenje ski staze Ponijeri – nepredviđeni radovi, dodjeljuje se ponuđaču CONRAM d.o.o. Brčko, za ponuđenu cijenu od 6.670,00 KM bez PDV-a, (odnosno 7.803,90 KM sa PDV-om), kao najbolje ocijenjenom ponuđaču.

**Član 2.**

Prijedlog ugovora o nabavci dostavit će se na potpis izabranom ponuđaču, po proteku roka od 5 dana.

**Član 3.**

Za izvršenje ove odluke zadužuje se i ovlašćuje Služba za privredu, urbanizam i zaštitu okoline i Komisija za javne nabavke Općine Kakanj.

**Član 4.**

Ova odluka objavit će se na web-stranici Općine Kakanj, ([www.kakanj.gov.ba](http://www.kakanj.gov.ba)), istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

**Član 5.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

**O b r a z l o ž e n j e**

Općina Kakanj, nakon provedenog otvorenog postupka nabavke, broj: 02/1-2844/17 od 12.07.2017. godine, zaključila je ugovor o izvođenju radova Osvjetljenje ski staze Ponijeri sa najpovoljnijim ponuđačem CONRAM d.o.o. Brčko, broj: 02/1-5406/17 od 13.09.2017. godine. Tokom izvođenja radova na realizaciji projekta desili su se određeni problemi oko iskopavanja temelja za stubove. Od ukupno 36 stubnih mjesta koje je trebalo mašinski izbušiti Izvođač radova je uspio izbušiti samo 7 temelja koji se nalaze na platou staze, ostalih 29 temelja izvođač je morao štemati zbog stjenovitog tla odnosno nije bilo moguće izvesti mašinsko bušenje, što je za krajnji cilj imalo povećanje troškova izvođenja radova na štetu Izvođača. Također, uzeta je u obzir i činjenica da je projektnom dokumentacijom predviđeno temeljenje AB stubova 12/650 prema preporukama Elektrodistribucije u zemljištu III kategorije. Temeljenje obuhvata mašinsko bušenje tla dubine 2,1 m promjera 0,4 m postavljanje stuba i dovođenje u vertikalni položaj. Preostali dio prostora između stuba i tla se ispunjava betonom MB 10 – 0,17 m<sup>3</sup> po stubnom mjestu.

U skladu sa članom 24. i 28. Zakona o javnim nabavkama, pokrenut je pregovarački postupak bez objave obavještenja za nabavku radova Osvjetljenje ski staze Ponijeri – nepredviđeni radovi.

Upućen je poziv ponuđaču CONRAM d.o.o. Brčko za dostavljanje inicijalne ponude. Rok za dostavu iste je bio 15.03.2018. godine do 12,00 sati.

Ponuda ponuđača CONRAM d.o.o. Brčko je pristigla u roku, a cijena ponude je 6.670,00 KM bez PDV-a. Analizom dokumentacije pristigle ponude utvrđeno je da ponuđač CONRAM d.o.o. Brčko ispunjava kvalifikacione uslove ugovornog organa. Isti ponuđač je pozvan na pregovore o ekonomskim, tehničkim i pravnim elementima ponude. Sastanak na kojem su održani pregovori je održan dana 19.03.2018. godine u prostorijama zgrade Općine Kakanj, sa početkom u 12,30 sati.

O provedenim pregovorima u postupku nabavke pregovarački postupak bez objave obavještenja o nabavci sa jednim ponuđačem, Komisija je sastavila Zapisnik broj: 08/1-14-1023-2/1 od 19.03.2018. godine, te je Odlukom o rezultatu postupka pretkvalifikacija u pregovaračkom postupku bez objave obavještenja o nabavci, broj: 02/1-2641/18 od 11.04.2018. godine, obavjestila ponuđača CONRAM d.o.o. Brčko.

Poziv za dostavljanje konačne ponude u pregovaračkom postupku nabavke – II dio, broj: 02/1-2642/18 od 11.04.2018. godine, upućen je kvalifikovanom ponuđaču CONRAM d.o.o. Brčko, a rok za dostavljanje konačne ponude je bio 16.04.2018. godine do 08,30 sati. Nakon isteka roka za podnošenje ponude evidentirano je da je u roku pristigla ponuda ponuđača CONRAM d.o.o. Brčko. Nakon javnog otvaranja ponuda Komisija je konstatovala da pristigla ponuda ponuđača CONRAM d.o.o. Brčko, ispunjava uslove date u tenderskoj dokumentaciji i pozivu koji je upućen kvalifikovanom ponuđaču a shodno kriteriju „najniža cijena“.

Komisija za javne nabavke je dana 19.04.2018. godine sačinila izvještaj o ocjeni ponuda i dala preporuku o izboru najpovoljnijeg ponuđača broj: 08/1-14-1023-3/18 od 19.04.2018. godine, u postupku javne nabavke radova Osvjetljenje ski staze Ponijeri – nepredviđeni radovi.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da izabrani ponuđač CONRAM d.o.o. Brčko, u potpunosti ispunjava zahtjeve ugovornog organa utvrđene tenderskom dokumentacijom.

Data je preporuka Ugovornom organu da se u predmetnom postupku javne nabavke: nabavka radova Osvjetljenje ski staze Ponijeri – nepredviđeni radovi, izvrši dodjela ugovora navedenom ponuđaču, čija ukupna cijena ponude je 6.670,00 KM bez PDV-a, (7.803,90 KM sa PDV-om).

Iz navedenih razloga, primjenom člana 64. stava (1) tačka b) Zakona o javnim nabavkama, odlučeno je kao u dispozitivu.


#### **POUKA O PRAVNOM LIJEKU:**

Protiv ove odluke može se izjaviti žalba, najkasnije u roku od 5 dana od dana prijema ove odluke, u skladu sa članom 99. i 101. stav 1., Zakona o javnim nabavkama BiH.

#### **DOSTAVITI:**

1. Svim ponuđačima u postupku nabavke
2. Komisiji za javne nabavke
3. Služba za privredu, urbanizam i zaštitu okoline
4. U spis
5. A/a



  
OPĆINSKI NAČELNIK  
Nermin Mandra